



MPKK B U L E T I N

Kuala Kangsar Bandar Diraja, Bandar Warisan Budaya
EDISI 1 / 2025



MPKK

KE ARAH PENJIMATAN,
PERBELANJAAN BERHEMAH DAN
MEMBUDAYAKAN RASA KESERONOKAN BEKERJA



PERHIMPUNAN KORPORAT BIL. 1/2025

13 Januari 2025, Kuala Kangsar - Telah berlangsung Perhimpunan Korporat yang pertama bagi tahun 2025 di Dewan Jubli, Kuala Kangsar pagi ini. Perhimpunan korporat dan penyampaian amanat 2025 oleh Yang Dipertua.

Perhimpunan ini dimulakan dengan rangkuman serta pencapaian tahun 2024 yang disampaikan oleh YBr. Tuan Haji Saiful Azli bin Mohamed Nor, Setiausaha Perbandaran MPKK.

Seterusnya, penyampaian amanat 2025 telah disampaikan oleh YBr. Dr. Sakduddin bin Zamli, Yang Dipertua. Pada tahun 2025, kita memfokuskan ke arah penjimatan, perbelanjaan berhemah dan membudayakan rasa keseronokkan bekerja.

Turut disampaikan anugerah Pekerja Terbaik Bulanan, penyampaian Sijil Pertandingan Kumpulan Inovatif dan Kreatif (KIK) Peringkat Negeri Perak Tahun 2024 serta penyampaian sijil kepada pemenang-pemenang Kejohanan Ping Pong Tertutup MPKK yang berlangsung pada 23 Disember 2024. Turut diadakan sambutan kelahiran anggota kerja bagi bulan Januari.

Perhimpunan Korporat bulan Januari ini telah dihoskan oleh Jabatan Khidmat Pengurusan. Terima kasih diucapkan atas kehadiran Ahli Majlis dan seluruh anggota kerja yang telah hadir ke Perhimpunan Korporat dan Penyampaian Amanat Tahun 2025 hari ini.





MAJLIS ANGGAT SUMPAH

Kuala Kangsar, 23 Januari 2025 — Telah berlangsung Majlis Angkat Sumpah Ahli Majlis, Majlis Perbandaran Kuala Kangsar di Dewan Bendahara, Wisma MPKK, Kuala Kangsar.

Majlis yang berlangsung pada 9.00 pagi telah disaksikan oleh YBrs. Dr. Sakduddin bin Zamli, Yang Dipertua MPKK bersama YBrs. Tuan Haji Saiful Azli bin Mohamed Nor, Setiausaha Perbandaran MPKK dan Clr. Azizul Rahim bin Abdul Rahman, Ketua Whip MPKK.

Seramai dua orang Ahli Majlis telah dilantik semalam iaitu Clr. Mohammad Aiman bin Samsuri dari Parti Amanah Negara, manakala Clr. Mohd Shafindi Bin Ahamad dari Parti Keadilan Rakyat.

Tahniah diucapkan kepada semua Ahli-ahli Majlis, MPKK.



PERHIMPUNAN KORPORAT FEBRUARI & MAJLIS TAHLIL DOA SELAMAT SEMPENA ULANG TAHUN KE 21 MAJLIS PERBANDARAN KUALA KANGSAR

18 Februari 2025, Kuala Kangsar- Telah berlangsungnya Perhimpunan Korporat bagi bulan Februari 2025 di Dewan Jubli, Kuala Kangsar. Perhimpunan pada kali ini telah dihoskan oleh Jabatan Perancang Bandar dan Landskap.

Perhimpunan ini dimulakan dengan bacaan doa selamat dan tahlil yang dipimpin oleh Ybrs. Dr. Sakduddin bin Zamli, Yang Dipertua bersempena ulang tahun Perbandaran yang ke-21 tahun.

Seterusnya, TPr. Encik Mohd Norulamin bin Ahmad, Ketua Jabatan Perancang Bandar dan Landskap menyampaikan ucapan di mana fokus utamanya berkenaan sasaran penyediaan Pelan Tindakan Bandar Pintar menjelang tahun 2025.

Turut disampaikan Anugerah Pekerja Terbaik Bulanan kepada Encik Muhammad Qusyai bin Abdul Latif dari Jabatan Penguatkuasaan, dan Encik Ismadi bin Saharuddin dari Unit Landskap. Selain daripada itu, perhimpunan kali ini turut meraikan sambutan kelahiran anggota kerja bulan Februari.

Terima kasih diucapkan atas kehadiran Ahli-ahli Majlis dan anggota kerja ke Perhimpunan Korporat MPKK kali kedua bagi tahun 2025.







Sesi Taklimat

Program Geran Kuale oleh Think City

7 Mac 2025, Jumaat - Telah berlangsung pada pagi ini sesi taklimat program Geran Kuale yang dianjurkan oleh Think City. Sesi taklimat dan permurnian tatacara permohonan geran telah disampaikan oleh pihak Think City. Taklimat ini telah dihadiri oleh badan bukan kerajaan (NGO), agensi swasta dan individu.

Taklimat berlangsung di Dewan Bendahara, MPKK turut dihadiri oleh Yang Dipertua, Dr. Sakduddin bin Zamli dan Setiausaha Perbandaran, Tuan Haji Saiful Azli bin Mohamed Nor.

Bagi yang berminat untuk memohon Geran Kuale, boleh memohon melalui pautan berikut; <https://shorturl.at/TCOAU> untuk maklumat lengkap. Sebarang pertanyaan lanjut, boleh menghubungi Think City melalui emel budaya@thinkcity.com.my atau hubungi 011-1171 5580. Geran Kuale ini dibuka bermula 15 Februari sehingga 24 Mac 2025.

Terima kasih diucapkan kepada Think City atas geran yang ditawarkan bagi memajukan dan memperkenalkan lagi daerah Kuala Kangsar kepada umum.



Perhimpunan Korporat Mac 2025

12 Mac 2025, Kuala Kangsar — Telah berlangsungnya Perhimpunan Korporat kali ke tiga di Dewan Jubli Perak, Kuala Kangsar dan dihoskan oleh Unit Undang-undang dan Integriti.

Istimewa pada kali ini, diadakan slot bicara integriti dan MPKK telah menjemput penceramah yang tidak asing dalam bidang ini, iaitu Tuan Mohd Firdaus bin Ramlan, dari CJM Global.

Membicarakan kisah “Tumbuk Rusuk, Telunjuk Lurus Kelingking Berkait” banyak pengajaran yang diperolehi dan ia sebagai langkah dalam membudayakan integriti dihati warga MPKK.

Pada sesi ini juga, Yang Berusaha Dr. Sakduddin bin Zamli, Yang Dipertua MPKK telah menyampaikan anugerah Pekerja Terbaik Bulanan kepada Puan Nor Hafiza binti Seman dari Unit Undang-undang dan Integriti dan Encik Muhammad Zailan bin Abdullah dari Jabatan Kejuruteraan.

Terima kasih diucapkan atas komitmen dan kehadiran Ahli-ahli Majlis dan anggota kerja MPKK ke Perhimpunan Korporat MPKK kali ketiga tahun 2025.





Program Memasak & Edaran Bubur Lambuk

Majlis Perbandaran Kuala Kangsar bersama-sama Kelab Sukan dan Kebajikan telah bersama-sama menganjurkan Program Memasak dan Edaran Bubur Lambuk, bertempat di Laman Tasbih, Wisma MPKK pada 13 Mei 2025, semalam.


Program yang dilaksanakan secara gotong-royong ini telah disertai oleh anggota kerja dan bertujuan mengimarahkan bulan Ramadan disamping memupuk semangat kerjasama antara warga MPKK.

Turut bersama-sama memeriahkan program ini Yang Dipertua, Dr. Sakduddin bin Zamli dan Setiausaha Perbandaran, Tuan Haji Saiful Azli bin Mohamed Nor telah mengagihkan bubur lambuk kepada anggota kerja dan seterusnya kepada para pelanggan yang berurusan di kaunter MPKK dan di sekitar Bazar Ramadhan Arena Kuala Kangsar.

Semoga usaha murni ini dapat mengeratkan lagi jalinan dan hubungan silaturahim antara masyarakat dan warga MPKK.







Majlis Berbuka Puasa

Dewan Jubli Perak, Kuala Kangsar

13 Mac 2025 / 12 Ramadhan 1446H

Khamis / 6:30 Petang



**EDARAN BINGKISAN HARI RAYA AIDILFITRI SEMARAKAN
SAMBUTAN HARI RAYA AIDILFITRI 1446H/2025
TARIKH: 26 MAC 2025 (RABU)
MASA: 2.15 PETANG
TEMPAT: PERKARANGAN PINTU MASUK LOBI**

MPKK LAKSANA OPERASI MERUNTUHKAN STRUKTUR PAPAN IKLAN

Kuala Kangsar, 13 Mac 2025 — Satu operasi telah dilaksanakan bagi meruntuhkan struktur papan iklan tanpa kelulusan dan dalam keadaan usang berukuran 40' x 10' yang terletak berhampiran dengan lampu isyarat stesen Keretapi Tanah Melayu Berhad (KTMB). Operasi bermula pada jam 11.15 pagi dan telah selesai pada jam 12.00 tengah hari.

Satu notis telah dikeluarkan sebelum operasi ini dijalankan di bawah peruntukan Seksyen 72, Akta Jalan, Parit dan Bangunan (Akta 133) pada 11 Mac 2025 namun, pemilik gagal mematuhi arahan notis tersebut.

Pasukan operasi terdiri daripada Jabatan Kawalan Bangunan, Jabatan Penguatkuasaan, Jabatan Kesihatan Persekitaran, Jabatan Kejuruteraan serta Setiausaha Perbandaran, Majlis Perbandaran Kuala Kangsar.

MPKK tidak akan teragak-agak untuk mengambil tindakan tegas demi memastikan peraturan dihormati dan dipatuhi oleh semua.



OPERASI SITAAN KHEMAH BUNGA API

Kuala Kangsar, 21 Mac 2025 - Satu operasi sitaan dan pemindahan khemah yang menjalankan perniagaan jualan bunga api yang terletak berharapan sebuah restoran di Chandan Putri telah diadakan hari ini sekitar jam 2.45 petang tadi.

Operasi rundungan dan pemindahan dibuat berikutan lokasi tersebut mengganggu aliran lalulintas.

Pasukan operasi terdiri daripada Jabatan Penguatkuasaan, Jabatan Kawalan Bangunan, Jabatan Kesihatan Persekitaran, Jabatan Kejuruteraan serta Setiausaha Perbandaran, Majlis Perbandaran Kuala Kangsar.

Tindakan ini diambil bagi memastikan peraturan dihormati dan dipatuhi bersama.





Majlis Perbandaran Kuala Kangsar
Kuala Kangsar Bandar Diraja, Bandar Warisan Budaya

BULETIN MPKK EDISI 1 / 2025